

CERTIFICADO

Juan Marquina Fuentes, secretario xeral da Deputación Provincial de Ourense
CERTIFICO:

Que o Pleno da Corporación, en sesión ordinaria realizada o día 30 de abril de 2021, adoptou o seguinte acordo:

Expediente de modificación das bases de execución do orzamento e da transferencia de crédito entre distintas áreas de gasto n.º 4/2021.

1º.- Aprobar inicialmente a modificación das bases de execución do orzamento xeral da Deputación Provincial de Ourense n.º 4/2021, co seguinte detalle:

Aprobar a modificación, no que se refire á especificación do capítulo VII de gastos, consistente nas seguintes variacións que non afectan cuantitativamente ao orzamento xeral do exercicio 2021:

a) Con cargo á aplicación orzamentaria 450.12/762.01 “Cooperación provincial. A Concellos subvencións” nas bases de execución dos orzamentos da Deputación Provincial de Ourense para o exercicio 2021, aparece unha subvención nominativa ao **Concello de Cortegada** para a “Vestuarios campo de fútbol” por importe de 15.000 euros.

Baseándose na solicitude presentada polo Concello de Cortegada de data 30 de marzo de 2021 e entrada no rexistro electrónico da Deputación o mesmo día, informando que a Xunta de Goberno da Deputación Provincial de Ourense adoptou, na sesión ordinaria do día 01 de marzo de 2021 o acordo de aprobar unha subvención ao Concello de Cortegada por importe de 15.000,00 euros para os vestuarios do campo de fútbol, tomándose como base para a concesión desta subvención a memoria valorada redactada polas arquitectas Paula Feijoo Calviño e Emma Noriega García con número de colexiadas 3341 e 2548 de xaneiro de 2020.

Por diversos motivos e discrepancias na tramitación do expediente administrativo, o alcalde do Concello de Cortegada solicita **deixar sen efecto** a memoria inicial na que se baseou a tramitación da subvención.

Coma a subvención xa se lle concedera ao concello, o alcalde presenta a renuncia á subvención concedida para “vestiarios campo de fútbol” na data 07 de abril de 2021.

Polo que se acorda o cambio do obxecto da subvención pasando a denominarse **“Alugueiro para vestiarios provisionais no campo de fútbol para o ano 2021” 450.12/762.01 “Cooperación provincial. A Concellos subvencions”**.

| Beneficiario | Finalidade | Importe |
|-----------------------|--|-------------|
| Concello de Cortegada | Alugueiro para vestiarios provisionais no campo de fútbol para o ano 2021 | 15.000,00 € |

b) Con cargo á aplicación orzamentaria 334.20/462.18 “Actividades culturais e recreativas. Ao Concello de Rairiz de Veiga” nas bases de execución dos orzamentos da Deputación Provincial de Ourense para o exercicio 2021, aparece unha subvención nominativa ao Concello de Rairiz de Veiga para a “Festa da Sainza” por importe de 16.000 euros.

A alcaldesa do Concello de Rairiz de Veiga, dona Josefa Asunción Morgade Rúa, o 6 de abril de 2021 e entrada no rexistro electrónico da Deputación o mesmo día, renuncia á subvención nominativa por importe de 16.000,00 euros para a celebración da Festa da Sainza á vista de que este ano a celebración da festa será organizada pola Asociación Socio- Cultural Amig@s da Romaría da Sainza.

Na mesma data o presidente da asociación solicita a subvención, polo que se acorda o **cambio de beneficiario** da subvención e **da aplicación orzamentaria**, pasando a ser a nome da Asociación Socio- Cultural Amig@s da Romaría da Sainza, con CIF: G 32474546 **334.20/489.00 “Actividades culturais e recreativas. Outras transferencias”** .

| Beneficiario | Finalidade | Importe |
|--|-------------------------------------|-------------|
| Asociación Socio-cultural Amig@s da Romaría da Sainza | Celebración da Festa da Sainza 2021 | 16.000,00 € |

c) Con cargo á aplicación orzamentaria 450.12/762.01 “Cooperación Provincial. A Concellos. Subvencións”, nas bases de execución dos orzamentos da Deputación Provincial de Ourense para o exercicio 2021, aparece unha subvención nominativa ao Concello de Nogueira de Ramuín para a “Cofinanciamento IDAE 2020” por importe de 66.000 euros .

O alcalde do Concello de Nogueira de Ramuín, don José César Parente Pérez, o 14 de abril de 2021 e entrada no rexistro electrónico da Deputación o mesmo día, solicita o **cambio da finalidade** da subvención pasando a denominarse “Cofinanciamento IDAE: Renovación de instalacións alumeado-iluminación LED”, polo que se aproba o dito cambio de finalidade.

450.12/762.01 “ Cooperación Provincial. A Concellos. Subvencións”

| Beneficiario | Finalidade | Importe |
|--------------------------------|--|-------------|
| Concello de Nogueira de Ramuín | Cofinanciamento IDAE: Renovación de instalacións alumeado-iluminación LED | 66.000,00 € |

2º.- Incóase expediente de transferencia de crédito entre distintas áreas de gasto de conformidade cos artigos 179 e 180 do Real decreto legislativo 2/2004, do 5 de marzo, polo que se aproba o Texto refundido da Lei reguladora das facendas locais, artigos 40 a 42 do RD 500/90, de 20 de abril, e da base 23ª das de execución do orzamento para o exercicio 2021.

2.1. - A transferencia de crédito é aquela modificación do orzamento de gastos mediante a que, sen alterar a súa contía total impútase o importe total ou parcial dun crédito a outras aplicacións orzamentarias con diferente vinculación xurídica.

2.2 .- O suposto que nos ocupa supón unha transferencia de crédito entre aplicacións orzamentarias de **distinta área** de gasto:

| APLICACIÓN QUE CEDE CRÉDITO | | APLICACIÓNS QUE RECIBEN CRÉDITO | |
|-------------------------------|---------|---|-------------|
| Aplicación | Importe | Aplicación | Importe |
| 450.12/226.09 “Cooperación | | 163.11/462.00 “Limpeza viaria. A Concellos” | 92.000,00 € |

| | | | |
|--|--------------|--|-------------|
| Provincial. Actividades culturais e recreativas” | 112.000,00 € | 241.11/462.07 “Fomento de emprego, igualdade e benestar. A Concellos Plan Empregabilidade” | 20.000,00 € |
|--|--------------|--|-------------|

2.3.- As aplicacións orzamentarias afectadas atópanse nos supostos aos que se refiren os artigos 180 do TRLRFL, de 5 de marzo e 41 do RD 500/90, de 20 de abril:

- Non afectarán aos créditos ampliáveis nin aos extraordinarios concedidos durante o exercicio.
- Non poderán minorarse os créditos que fosen incrementados con suplementos ou transferencias, salvo cando afecten a créditos de persoal, nin os créditos incorporados como consecuencia de remanentes non comprometidos procedentes de orzamentos pechados.
- Non incrementarán créditos que, como consecuencia doutras transferencias, fosen obxecto de minoración, salvo que afecten a créditos de persoal.

As anteriores limitacións non afectarán ás transferencias de crédito que se refiran a programas de imprevistos e funcións non clasificadas nin serán de aplicación cando se trate de transferencias motivadas por reorganizacións administrativas aprobadas polo Pleno.

As transferencias que se propoñen afectan a aplicacións do orzamento de gastos pertencentes á distintas áreas de gasto, polo que, conforme coa citada base de execución número 23 e co artigo 179 do TRLRHL, lle corresponde a súa aprobación ao Pleno da Corporación.

3º.- De acordo cos artigos 169, 170 e 171 da Lei reguladora das facendas locais, o expediente será exposto ao público, tras o anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerarase definitivamente aprobado se durante o citado prazo non se presentasen reclamacións.

E para que conste, -nos termos do artigo 206 do vixente ROF-, expido este certificado en Ourense, na data de sinatura electrónica deste documento.